



07. 08 2017

UKA2017/115

Inatsisartut suleriaasiat § 33 naapertorlugu matumuuna Inatsisartunut aalajangiiffigisassatut siunnersuut imaattoq saqqummiuppara.

Illoqarfinni nunat immikkoortuini qitiusumik napparsimaveqarfiusuni toqusimasut timaannik ikuallaaveqalersinnaaneraniq periarfissanik kiisalu aningaasaqarnikkut pitsaaqutinik pitsaanngequtinillu misissuinissamik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut. Taamattaaq Naalakkersuisunit misissuiffigineqassaaq innuttaasut toqusimasut timaannik ikuallaasalersinnaanermut periarfissaqalernissaq tapersersorneqarnerseq. Misissuinerup inerneru UKA18 aallartitsinnagu saqqummiunneqassaaq.

(Inatsisartunut ilaasortaq Kelly Berthelsen, Inuit Ataqatigiit)

Tunngavilersuut:

Peqqinnissaqarfiup illoqarfinnut aalajangersimasunut nunap immikkoortuinit napparsimaveqalernerata kingorna inuit amerlanerujartortut najugaqarfigisamik avataani toqusalerput. Ilaquttat qimagaasut toqusup timaanik assartuinermit akisussaammata, tamanna ilaatigut ilaqutaasunut aningaasartuuterpassuarnik nammakkiisarpoq. Taamatullu pisoqartillugu toqusimasup timaanik ikuallaaneq ilaqutariinnut angallanneqarnerani aningaasartuutitut appartitsinermut periarfissiisinnaavoq. Taamaaliornermi soorunami toqukkut qimaguttup kissaatigisimasai upperisaalu ataqineqassapput.

Iliveqarfinni inissaqarnerulernermik kinguneqartussanngornera aappattut iluaqutaassaaq, assersuutigalugu ikuallanneqarnermi arsakut iliveqarfeqarsinnaanerani inatsist maleruaqqusallu atuuttut aallaavigalugit arsakut siammarterneqarsinnaanerannut tungatillugu. Timit ikuallanneqartalersinnaanerannik periarfissanik misissuinermi aningaasartuutissat sipaarutaasinnaasullu nalilersorneqarneranni aamma inissakilliorunnaamisinnaaneq ilanngullugu nalilersorneqarumaarpoq. Kisiannili innuttaasut ikuallaaveqarnerup atornerqarluarsinnaaneraniq aallaaveqartumik ilisinermi aningaasartuutaasartut sipaarutaasinnaanerannut inissaqarnerulernissamullu tunngasut aallaaveqarumaarput.

Innutaaqatitta akornanni inuiaat allat assigalugit timit ikuallanneqarsinnaanerannut periarfissaqarusuttoqarnissaa naatsorsuutigaa.

Soorunami innuttaasutut ataasiakkaarluta upperisaqarnerput kissaatigullugu nammineq aalajangernitsigut qanoq ilisaaniarnerluta aalajangertussaavarput. Timinilli ikuallaaveqalersinnaanissamik misissuinikkut innuttaaqatitta toqunermi iliseriaatsit aamma periarfissaat annertusaaqataasinnaavugut ullumi atuuttunut naleqqiullugu. Kisiannili pilersitsinermi aningaasartuutaasinnaasut innuttaasut timinik ikuallaaveqarsinnaanermik

INUIT ATAQATIGIIT

Inatsisartuni



kissaateqarsinaaneranniit aallaveqartariaqarmat siunnersuutigerusuppara misissueqqaartoqarnissaa.

Aningaasatigut ingerlatsinikkullu pisortanut kingunerisassai

Misissuineq atorfillip AC-usup akissarsiaqarfissaa ukioq ataatsimik kr. 500.000-nik annertussuseqartussatut naatsorsuutigineqarsinnaassasoq.

Namminersortunut aningaasarsiornikkut allaffissornikkullu kingunerisassai

Misissuititsinermi namminersortunut immikkut sunniuteqarnaviangilaq.

Innuttaasunut aningaasarsiornikkut allaffissornikkullu kingunerisassai

Misissuinerup ingerlanerani tamanna innuttaasunut sunniuteqarnaviangilaq.